

Stiùireadh Maoin Phlanaichean Gàidhlig – Sruth Phròiseactan 2025/26 Gaelic Plans Fund – Projects Stream 2025/26 Funding Guidelines

Mu dheidhinn na Maoin

Tha Maoin Phlanaichean Gàidhlig (air an robh GLAIF roimhe) airson ùghdarrasan poblach a chuideachadh gus na Planaichean Gàidhlig reachdail aca a chur an gnìomh agus taic a chur ri Plana Nàiseanta na Gàidhlig 2023-28.

Bho 2024, tha dà shruth maoin eachaidh eadar-dhealaichte air a bhith ri fhaighinn tron Mhaoin Phlanaichean Gàidhlig:

- An Sruth Ro-innleachdail – do na 6 ùghdarrasan ionadail air am meas cudromach
- An Sruth Phròiseactan – airson ùghdarrasan poblach eile le planaichean Gàidhlig

Tha an stiùireadh seo a' buntainn ris an t-sruth Phròiseactan a-mhàin, leis nach eil e ceadachd do dh'ùghdarrasan a tha faighinn taic tron t-Sruth Ro-innleachdail airson 2024-27 cur a-steach don chuairt maoin eachaidh seo.

Anns an iarrtas agaibh tha sinn an dùil gun inns sibh mar a bhios am pròiseact agaibh a' cur an gnìomh am [Plana Nàiseanta na Gàidhlig 2023-28](#) agus an t-eagran fhoillsichte de phlana Ghàidhlig reachdail an ùghdarrais agaibh.

Ann a bhith a' measadh an iarrtais agaibh, bidh sinn a' coimhead gu sònraichte air:

- Inbhe a' phròiseict san fharsaingeachd is a' bhuidh a dh' fhaodadh a bhith aige air àrdachadh cleachdadh no ionnsachadh na Gàidhlig
- Luach an airgid a tha ga shealltainn leis a' phròiseict
- An ìre de dh'ùr-ghnàthachas is obair com-pàirteachais air a chur an cèill san iarrtas
- Comas na buidhne agaibh am pròiseact libhrigeadh gu soirbheachail
- Neart nam planaichean agaibh gus buaidh a' phròiseict agaibh a mheasadh

Gheibhear stiùireadh-measaidh nas mionaidiche [air làrach-lìn Bòrd na Gàidhlig](#).

About the Fund

The Gaelic Plans Fund (formerly named GLAIF) is available to help public authorities in the delivery of commitments in their statutory Gaelic Language Plans, and in support of the National Gaelic Language Plan 2023-28.

From 2024, two separate funding streams have been available through the Gaelic Plans Fund:

- The Strategic Stream – for 6 local authorities deemed significant
- The Projects Stream – for all other public authorities with Gaelic language plans

This guidance relates to the Projects stream only, with authorities who are receiving support through the Strategic Stream for 2024-27 ineligible to apply for this round of funding.

In your application we expect you to expand on how your project will help implement the [National Gaelic Language Plan 2023-28](#) and the currently published edition of your authority's statutory Gaelic language plan.

Further to this, in assessing your application, we will also be looking at:

- The overall quality of the proposed project and its potential impact on increasing the use and learning of Gaelic
- The value for money demonstrated by the project
- The level of innovation and partnership working shown in the application
- The ability of your authority to deliver the project successfully
- The strength of your plans to assess the impact of your project

Detailed assessment guidance can be found [on Bòrd na Gàidhlig's website](#).

Sruth Phròiseactan – Riaghailtean

Cò dh'fhaodas iarrtas a chur a-steach?

Tha Sruth Phròiseactan den Mhaoin Phlanaichean Gàidhlig fosgailte do dh'ùghdarrasan poblach/ionadail aig a bheil plana Gàidhlig reachdail foillsichte a chaidh aontachadh le Bòrd na Gàidhlig fo Achd na Gàidhlig (Alba) 2005.

Feumaidh buidhnean cuideachd cumail ris na dleasan aca gus eagrain ùr den phlana is aithisgean dearcnachaidh a chur gu Bòrd na Gàidhlig.

Chan fhaod na 6 ùghdarrasan ionadail a fhuair taic tron Sruth Ro-innleachdail 2024-27 iarrtas a chur a-steach don t-Sruth Phròiseactan, is iad:

- Comhairle nan Eilean Siar
- Comhairle na Gàidhealtachd
- Comhairle Earra-Ghàidheal is Bhòid
- Comhairle Baile Ghlaschu
- Comhairle Baile Dhùn Èideann
- Comhairle Siorrachd Lannraig a Tuath

Chan fhaod buidhnean leth-eisimeileach no sgoiltean aig ùghdarrasan le phlana Gàidhlig iarrtas a chur a-steach tron mhaoin. Faodaidh iad obair còmhla ris na h-ùghdarrasan dham buin iad ge-tà gus an cuir an t-ùghdarras iarrtas a-steach air an son.

Tha fàilte air iarrtasan bho bhuidhnean ag obair còmhla, ach bu chòir na h-iarrtasan seo prìomh bhuidheann ainmeachadh airson a' chùmhnaidh taic-airgid.

Gheibhear eisimpleirean de phròiseactan a fhuair taic bhon sgeama seo a-cheana (a' gabhail a-steach GLAIF) [tron làrach-lìn GrantNav](#).

Faodaidh buidhnean suas ri 3 iarrtasan a chur a-steach don sruth Phròiseactan am-bliadhna, ach bidh am Bòrd ag amas air taic a chumail ri caochladh bhuidhnean poblach air feadh Alba is mar sin faodar gun tèid co-dhùnadh an àireamh de phròiseactan maoinichte aig gabh buidheann a chasg a-rèir bhuidseat.

Mar sin, bu chòir nì sam bith a tha a dhith airson diofar phròiseactan a libhrigeadh (m.e. ùine luchd-obrach) a bhith air a chur a-steach gu co-rèireach anns gach iarrtas, agus feumar dearbhadh cuideachadh nach eil nì air a mhaoinachadh dà thuras.

Projects Stream – Requirements

Who can apply?

The Projects Stream of the Gaelic Plans Fund is open to Scottish public/local authorities who currently have a published statutory Gaelic language plan that has been approved by Bòrd na Gàidhlig in terms of the Gaelic Language (Scotland) Act 2005. Authorities must also be compliant with their obligations to submit new versions of their plan and monitoring reports to Bòrd na Gàidhlig.

The 6 local authorities who were eligible to apply through the Strategic Stream 2024-27 are not eligible to apply via the Projects Stream, these being:

- Comhairle nan Eilean Siar
- The Highland Council
- Argyll and Bute Council
- Glasgow City Council
- City of Edinburgh Council
- North Lanarkshire Council

Arms-length organisations (ALEOs) and schools of authorities with a Gaelic language plan **cannot** apply through the fund. ALEOs can however work with authorities to which they belong so that the authority can apply on their behalf.

Joint applications between organisations are welcomed, although such applications should identify a lead organisation for contractual purposes.

Examples of projects that have previously received support through this fund (including via GLAIF) [can be found via the GrantNav website](#).

Organisations may submit up to a maximum of 3 applications to this year's Projects Stream. However, Bòrd na Gàidhlig will aim to support as wide a range of bodies across Scotland as possible so may decide to limit the number of projects awarded per organisation depending on budget.

As such, any element that is required for the delivery of multiple projects (e.g. staff time) must be included proportionally in each application, whilst ensuring that there is no duplicate funding requested.

Clàr-ama a' Phròiseict

Bidh an sgeama a' toirt taic do phròiseactan thòisicheas eadar 1 Lùnastal 2025 agus 31 Faoilleach 2026 agus a thèid crìochnachadh ro 31 Lùnastal 2026.

Ann an suidheachaidhean sònraichte, faodaidh iarrtas clàr-ama eadar-dhealaichte a mholadh. Feumaidh conaltradh a bhith ann air seo le oifigearan a' Bhùird agus cead a bhith air a thoirt seachad mus tèid an t-iarrtas a chur a-steach, le fianais air a' chead seo air a thoirt seachad an cois an iarrtais.

Dè na cosgaisean a gheibh taic?

'S e £200,000 am buidseat ris a bheilear an dùil airson an Sruth Ro-innleachdail. Faodar iarrtasan airson pròiseactan a chur a-steach airson suas ri **£25,000** agus **suas ri 80% de chosgaisean a' phròiseict**. Tha cosgaisean neo-ionmhasail ceadaichte mar phàirt de chosgaisean iomlan a' phròiseict.

Bu chòir dhuibh a bhith mothachail ma gheibh am pròiseact agaibh taic gur mathaid nach fhaigh sibh an t-sùm iomlan a dh'iarr sibh.

Bhithear an dùil gum bi pròiseactan a bha air taic fhaighinn tro chuirtean Maoin Phlanaichean Gàidhlig a-cheana a' sealltainn adhartas ann an luach an airgid agus àbhaisteachadh na Gàidhlig ann an obair na buidhne thairis air iarrtasan a bh' ann a-cheana.

Thathar an dùil gum tèid ìre nas ìsle de thaic-airgid a thabhann an taca ri bliadhnaichean roimhe do dh'iarrtasan soirbheachail airson dreuchdan a chaidh a mhaoineachadh tron Mhaoin Phlanaichean Gàidhlig, gus ùghdarrasan a bhrosnachadh taic dhan Ghàidhlig àbhaisteachadh taobh a-staigh sheirbheisean is bhuidseatan.

Bu chòir dhuibh dèanamh cinnteach nach eil pàirt sam bith eile de bhuidseat a' phròiseict air am maoineachadh tro sgeamaichean maoineachaidh eile no Sgeama Tabhartasan Sònraichte aig Riaghaltas na h-Alba agus nach eil maoineachadh dùbailte ann le phròiseactan far a bheil [Buidhnean Com-pàirteach Lìbhrigidh Bhòrd na Gàidhlig](#) an sàs.

Cha bhi sinn a' cur taic ri cosgaisean pròiseact ri linn:

- Cosgaisean calpa
- Duaisean co-fharpais
- Cosgaisean luchd-obrach no ghoinnean air an cleachdadh gus curraicealam foghlam tro mheadhan na Gàidhlig/luchd-ionnsachaidh na Gàidhlig a libhrigeadh ann an sgoiltean, colaistean no oilthighean

Project Timeframe

The fund will support projects which will start between 1 August 2025 and 31 January 2026 and will be fully completed by 31 August 2026.

In exceptional circumstances, an application may propose an alternative timeframe. This must be discussed and permitted by Bòrd na Gàidhlig officers prior to the application being submitted, with evidence of this permission provided along with the application.

What costs are supported?

The estimated budget allocated to this Projects Stream is £200,000. Applications may be made for up to a maximum of **£25,000** and **up to 80% of project costs**. In-kind costs are permitted as part of a contribution towards total project costs.

Please note that even if your application is successful, you may not be awarded the full amount that you request.

Applications looking to extend an existing project that was supported through previous Gaelic Plans Fund rounds will be expected to demonstrate improvement in value for money and normalisation of Gaelic within the organisation's work over previous applications.

It is expected that applications towards employment posts previously funded by the Gaelic Plans Fund will, if successful, be awarded a decreased level of support compared with previous years in order that authorities normalise their support to Gaelic within existing services/budgets.

You must ensure that no other part of the project's budget is funded by money from other Bòrd na Gàidhlig funding schemes or the Scottish Government's Gaelic Specific Grant and that there is no double-funding of projects involving [Bòrd na Gàidhlig's Delivery Partners](#).

We will not support project costs relating to:

- Capital costs
- Competition prizes
- Staff or resource costs used for delivering the Gaelic-medium or Gaelic-learner education curriculum in schools, colleges or universities

- Buanachadh dreuchdan a th' ann a-cheana nach robh a' faighinn taic tron Mhaoin Phlanaichean Gàidhlig (ach ma tha iad an sàs ann am pròiseact ùr)
- Cosgaisean ann a bhith a' dealbhachadh, a' dèanamh co-chonaltradh air no a' foillseachadh Plana Gàidhlig

Thèid iarraidh oirbh anns an iarrtas agaibh cuin a bhios sibh an dùil ris an airgead agaibh a chosg, is cleachdaidh sinn seo airson pròifil pàighidh a chur air dòigh san aonta taic-airgid air nuair a thèid ur pàigheadh. Cha tèid a' chiad phàigheadh airson pròiseact 2025/26 a phàigheadh gus am bi aithisgean deireannach airson phròiseactan cheana agus aithisgean dearcnachaidh phlanaichean Gàidhlig no planaichean/dreach phlanaichean air an cur a-steach.

Riaghailtean eile

Feumaidh sibh dreach tuairisgeul(an)-obrach a chur a-steach còmhla ris an iarrtas ma tha sibh a' sireadh taic-airgid airson dreuchd, agus feumaidh Gàidhlig a bhith na sgil riatanach airson na dreuchd.

Feumaidh an tuarastal airson gach cothrom obrach air a mhaoineachadh tro Maoin Phlanaichean Gàidhlig a bhith aig ìre de cho-dhiù [Tuarastal Bith-Beò na h-Alba de £12.60 gach uair](#).

Ag aithneachadh taic

Mar bhuidheann poblach, tha e cudromach dhuinn gu bheil fios aig a' phoball air mar a tha sinn a' cleachdadh an cuid airgid againn, is mar sin tha e cudromach gu bheil sibh ag aithneachadh gun tug Bòrd na Gàidhlig taic-airgid dhan phròiseact agaibh (far a bheil sin iomchaidh). Bidh sinn a' faighneachd san fhoirm-iarrtais mar a bhios sibh an dùil seo a dhèanamh tron phròiseact ma tha an t-iarrtas agaibh soirbheachail.

Airson tuilleadh fiosrachaidh, nach toir sibh sùil air an [Stiùireadh Aithneachaidh](#) is [Stiùireadh Brann](#) air an làrach-lìn againn.

Sgrùdadh is measadh air a' phròiseact

Ma tha an t-iarrtas agaibh soirbheachail, bidh agaibh ri sgrùdadh is measadh a dhèanamh air mar a thèid am pròiseact agaibh a lìbhrigeadh agus a' bhuaidh aige a shealltainn san aithisg dheireannaich. Feumar aithisg dheireannaich a chur a-steach airson gach pròiseact, is aithisg adhartais a chur a-steach airson gach pròiseact a bhios a' faighinn còrr is £10,000 mu letheach slighe tron phròiseact agaibh.

- Continuation of employment positions that were not previously funded by the Gaelic Plans Fund (unless involved in a new project)
- Costs involved in developing, consulting on or publishing a Gaelic Language Plan

You will be asked in your application to provide a profile as to when you expect to spend your funding, which we will use to set a payment profile for your grant agreement. The first payment of a 2025/26 project will only be payable once any final reports for pre-requisite projects and any outstanding Gaelic Language Plan monitoring reports or plan/draft plans requested have been submitted.

Other requirements

All projects requesting support towards funding for employment posts must include a draft job description(s) along with the application, and the position must be Gaelic-essential.

All employment opportunities funded through the Gaelic Plans Fund must pay a minimum of the [Scottish Living Wage of £12.60 per hour](#).

Acknowledgment

As a public body it is important to us that the public know where our funding is spent, and that's why it is important that you acknowledge where appropriate that Bòrd na Gàidhlig provided funding for your project. We will ask you in the application how you will acknowledge our support throughout the project if your application is successful.

For further information please read our [Acknowledgement Guidance](#) and our [Brand Guidance](#) on our website.

Project monitoring and evaluation

If your application is successful you will need to monitor and evaluate your project delivery and show the impact of the project in the reports. All projects must submit a final report, and all projects receiving over £10,000 must submit a progress report around halfway through your project.

Thèid iarraidh oirbh san fhoirm-iarrtais mar a bhios sibh an dùil sgrùdadh a dhèanamh air a' phròiseas, mar a bhios sibh a' measadh an robh am pròiseact soirbheachail is mar a bhios sibh a' trusadh fiosrachaidh bho chom-pàirtichean.

Bidh e comasach dhuibh aithisgean a chur a-steach tro [phortal iarrtasan Fluxx](#), agus bidh e comasach seo fhaicinn ma tha an t-iarrtas agaibh soirbheachail.

Dleastanasan Sòisealta

Tha dleastanasan aig Bòrd na Gàidhlig gus cur air adhart deagh chleachdadh ann a bhith:

- A' lùghdachadh buaidh air an àrainneachd
- A' brosnachadh co-ionannachd chothroman do dhaoine le feart dìonta a rèir Achd Co-Ionannachd 2010
- A' brosnachadh chothroman do dhaoine òga a tha, no a tha air a bhith, fo chùram a rèir Achd na Cloinne is nan Daoine Òga (Alba) 2014

Bu mhath leinn gum bi na buidhnean is pròiseactan a tha a' faighinn maoin eachadh bhuainn cuideachd a' cur ris na h-amasan seo, is bidh sinn ag iarraidh oirbh san fhoirm-iarrtais mar a tha sibh an dùil gum bi am pròiseact agaibh a' dèanamh seo.

Airson tuilleadh fiosrachaidh, nach leugh sibh fiosrachadh tro na ceanglaichean gu h-ìosal:

- [Fiosrachadh air àireamhachadh is lùghdachadh eimiseanan carbon bho Creative Carbon Scotland](#)
- [Fiosrachadh mu na feartan dìonta a rèir Achd Co-Ionannachd 2010](#)
- [Mu dheidhinn Pàrantan Corporra agus cumail taic ri clann a tha air a bhith ann an cùram](#)

Obair Chothromach

Feumaidh buidhnean a tha a' faighinn maoin eachadh poblach ann an Alba cumail ri poileasaidh Obair Chothromach aig Riaghaltas na h-Alba, agus mar sin feumaidh iad:

- Co-dhiù am fìor Thuarastal Beò a phàigheadh; agus
- Dòighean iomchaidh airson guth luchd-obrach èifeachdach, leithid aithneachadh aonaidhean-ciùird, a chruthachadh

Agus thathar gam brosnachadh gu làidir:

- Tasgadh ann an leasachadh luchd-obrach

In the application form we will ask you how you intend to monitor the project, what targets/KPIs you will set and how you'll assess whether the project is successful, and how you will gather feedback from participants of the impact.

Reports will be available to submit via the [Fluxx application portal](#), and will be viewable if your application is approved.

Social Responsibilities

Bòrd na Gàidhlig has a responsibility to promote good practice in:

- Reducing impact on the environment
- Promoting equality of opportunity for those with a protected characteristic under the Equalities Act 2010
- Promoting opportunities for young people who are, or have been, in care under the Children and Young People (Scotland) Act 2014

We would like the organisations and projects that we fund to also consider how their work can contribute to these aims and will ask in the application form how your proposed project will seek to do so.

For further information, please consult the links below:

- [Information on how to calculate and reduce carbon emissions via Creative Carbon Scotland](#)
- [Information about the protected characteristics under the Equalities Act 2010](#)
- [About Corporate Parenting and supporting care-experienced young people](#)

Fair Work

Organisations in receipt of public funding in Scotland are required to adhere to the Scottish Government's Fair Work First policy, and as such **must**:

- Pay at least the real Living Wage; and
- Provide appropriate channels for effective workers' voice, such as trade union recognition

And are strongly encouraged to:

- Invest in workforce development

- Dèan gnìomh gus dèiligeadh ris a’ bheàrn pàighidh gnè agus cruthaich àite-obrach nas eadar-mheasgte agus nas in-ghabhalach
- Thoir seachad cleachdaidhean obrach sùbailte agus càirdeil do theaghlaichean don luchd-obrach air fad bhon chiad latha den obair; agus
- Cuir an aghaidh cleachdadh cur mu sgaoil agus ath-fhastadh

Thèid iarraidh oirbh mar phàirt den tagradh agus an aithris agaibh dearbhadh gu bheil sibh a’ cumail ris a’ phoileasaidh agus fianais a thoirt seachad gun do rinn sibh sin.

Tha [tuilleadh stiùireadh air mar a tha sinne aig Bòrd na Gàidhlig a’ cur an gnìomh poileasaidh Obair Cothromach ri fhaighinn an seo](#), is tha [stiùireadh bho Riaghaltas na h-Alba air am poileasaidh ri fhaighinn an seo](#).

A’ cur iarrtas a-steach

Bu chòir dhuibh iarrtas a chur a-steach tro phortal iarrtasan Fluxx aig bng.fluxx.io. Faodaidh sibh cunntas a chruthachadh saor ‘s an-asgaidh air an làraich-lìn sin is tha e comasach an t-adhartas agaibh leis an iarrtas a shàbhaladh fhad ‘s a tha sibh ag obair air. Faodaidh sibh gach faidhle-taic a chur a-steach tron phortal.

Dùnaidh portal nan iarrtasan aig **3f air Dimàirt 6 Cèitean 2025** agus cha bhi e comasach iarrtas a chur a-steach às dèidh a’ chinn-uidhe sin ach ma fhuaras cead ro-làimh bho oifigearan Bhòrd na Gàidhlig.

Ma tha duilgheadasan sam bith agaibh leis a’ phortal, ma tha sibh airson na faidhlichean iarrtais fhaighinn ann an cruth eadar-dhealaichte, no ma tha ceistean sam bith agaibh a thaobh an iarrtais nach cuir sibh post-d thugainn aig tabhartas@gaidhlig.scot.

Mar a nì sinn measadh air an iarrtas

Gheibh sibh post-d fèin-obrachail bhon phortal Fluxx a’ dearbhadh gun d’ fhuair sinn an t-iarrtas agaibh. Mur eil sibh air seo fhaighinn, dèanaibh cinnteach gu bheil sibh air an t-iarrtas agaibh a chur a-steach is nach eil sibh dìreach air a shàbhaladh.

Às dèidh a’ chinn-uidhe airson iarrtasan a chur a-steach, thèid sgrùdadh a dhèanamh air iarrtasan le oifigearan Bhòrd na Gàidhlig gus dearbhadh gu bheil iad a’ leantainn riaghailtean na maoine agus gu bheil iad a’ toirt seachad an

- Take action to tackle the gender pay gap and create a more diverse and inclusive workplace
- Offer flexible and family-friendly working practices for all workers from day one of employment; and
- Oppose the use of fire and rehire practice

You will be asked as part of your application and reporting to confirm that you are adhering to the policy and provide evidence of doing so.

Further [guidance as to how Bòrd na Gàidhlig is implementing the Fair Work First policy is available here](#), and [guidance from the Scottish Government on the policy is available here](#)

Submitting an application

Applications should be submitted via our Fluxx application portal at bng.fluxx.io. An account can be registered for free on the website and it is possible to save the progress of an application whilst working on it. All supporting documents can be submitted via the portal.

The application portal will close at **3pm on Tuesday 6 May 2025** and it will not be possible to submit an application after this date unless permission has been provided prior to the deadline by Bòrd na Gàidhlig officers.

If you have any issues with the portal, wish to receive the application materials in a different format, or have any questions about the application please email us at tabhartas@gaidhlig.scot.

How we will assess your application

You will receive an automatic email acknowledgment from the Fluxx portal to confirm that we have received your application.

Bòrd na Gàidhlig officers will then screen applications after submission to ensure they comply with the rules of the fund and have provided required information. If your application is deemed ineligible, you will be given an

fhiosrachaidh a tha a dhìth. Ma thathar den bheachd nach eil an t-iarrtas agaibh ceadaichte, thèid cothrom a thoirt dhuibh seo a chur ceart is an iarrtas a chur a-steach a-rithist. Mur eil an t-iarrtas agaibh gu tur a' leantainn riaghailtean na maoine aig **10m air Diciadain 14 Cèitean 2025** dh'fhaodte gun tèid an t-iarrtas agaibh a dhiùltadh gun mheasadh.

Thèid gach iarrtas ceadaichte a mheasadh le pannal de dh' oifigearan aig Bòrd na Gàidhlig a rèir [an stiùireadh-measaidh](#), agus cuiridh iad molaidhean do Sgioba-stiùiridh Bhòrd na Gàidhlig a nì an co-dhùnadh air na h-iarrtasan.

Dh'fhaodadh gun iarr Bòrd na Gàidhlig tuilleadh fhiosrachaidh no mìneachadh air fiosrachadh mu dheidhinn a' phròiseict mar phàirt den phròiseas measaidh. Mur an tèid am fiosrachadh seo a thoirt seachad taobh a-staigh 5 làithean-obrach, tha sinn a' glèidheadh na còrach gum faod sinn an t-iarrtas agad a dhiùltadh.

Thèid innse dhuibh mu cho-dhùnaidhean air an iarrtas agaibh tro phost-d san Ògmhios 2025.

Às dèidh seo, thèid aonta taic-airgid a chur thugaibh tro Docusign dhan luchd-sgrìobhaidh. Bidh suas ri 30 latha agaibh gus an t-aonta taic-airgid a shoighneadh is a thilleadh no thèid an tairgse taic-airgid a thoirt air ais.

Mur eil sibh riarachta le co-dhùnadh air an iarrtas agaibh, ged nach eil pròiseas ath-thagrachd againn faodaidh tu gearain a chur a-steach ma tha thu den bheach nach deach dèiligeadh ris an iarrtas agad a-rèir an stiùireadh 'sa is an stiùireadh-measaidh. Airson tuilleadh fhiosrachaidh, [tha ar modhan gus dèiligeadh ri ghearanan ri fhaighinn an seo](#).

Tuilleadh fhiosrachaidh

Airson tuilleadh fhiosrachaidh mun mhaoin seo, tadhail air [làrach-lìn Bhòrd na Gàidhlig](#) no cuiribh fios gu tabhartas@gaidhlig.scot.

Faodaidh tu cuideachd sùil a thoirt air [freagairtean ri cheistean cumanta](#) mu dheidhinn a' mhaoineachaidh againn air an làrach-lìn againn.

Gheibhear fiosrachadh mu [phrìobhaideachd a thaobh ar sgeamaichean maoineachaidh air an làrach-lìn againn](#).

Gheibhear cruthan eadar-dhealaichte den stiùireadh seo is de dh'fhoirmichean-iarrtas ma tha sibh ag iarraidh is dh'fhaoidte gun tèid iad fhoillseachadh aig:

opportunity to correct this and re-submit. If your application is not fully compliant with the rules of the fund by **10am on Wednesday 14 May 2025** your application may be declined without assessment.

All eligible applications will be assessed by a panel of Bòrd na Gàidhlig officers according to [the assessment guidance](#), and they will make recommendations to the Bòrd na Gàidhlig Senior Management Team who will decide on the outcome of applications.

Bòrd na Gàidhlig may request additional information or clarification of project details as part of the assessment process. If this additional information is not submitted within 5 working days of being requested, we reserve the right to decline your application.

You will be informed of the result of your application via email in June 2025.

Thereafter, a funding agreement will be sent via Docusign to your nominated signatories. You will have up to 30 days from the date of issue to sign and return the funding agreement or the offer shall lapse.

If you are not satisfied with the outcome of your application, while we do not offer an appeal process you may make a complaint if you believe your application has not been dealt with in accordance with this guidance and the assessment guidance. For more information, [our complaints handling procedure is detailed online here](#).

More information

For more information about this fund, please visit the [Bòrd na Gàidhlig website](#) or contact Bòrd na Gàidhlig at tabhartas@gaidhlig.scot.

You can also find [answers to frequently asked questions](#) about our funding on our website.

Privacy information [relating to our funding schemes can be found on our website](#).

Alternative forms of this guidance and application forms can be made available on request and may be published at:

<https://www.gaidhlig.scot/gd/maoineachaidh/cothroman-maoineachaidh/maoin-phlanaichean-gaidhlig/>

<https://www.gaidhlig.scot/en/funding/funding-schemes/gaelic-plans-fund/>

Eachdraidh Faidhle / Version history		
V1	Air fhoillseachadh / Published	